

Na osnovu člana 19. stav 1. Zakona o Vladi Federacije Bosne i Hercegovine („Službene novine Federacije BiH“, broj 1/94, 8/95, 58/02, 19/03, 2/06, i 8/06), člana 194. stav 3. i člana 310. stav 1. Zakona o privrednim društvima („Službene novine Federacije BiH“, broj 23/99, 45/00, 2/02, 6/02, 29/03, i 68/05), Vlada Federacije Bosne i Hercegovine donosi

**UREDBU
O IZMJENAMA I DOPUNAMA UREDBE O VRŠENJU OVLAŠĆENJA
ORGANA FEDERACIJE BOSNE I HERCEGOVINE U PRIVREDNIM
DRUŠTVIMA SA UČEŠĆEM DRŽAVNOG KAPITALA**

Član 1.

U Uredbi o vršenju ovlašćenja organa Federacije Bosne i Hercegovine u privrednim društvima sa učešćem državnog kapitala („Službene novine Federacije BiH“, br. 48/05, 54/05, i 42/06) u članu 4. tačka 4. iza riječi „dioničar“ umjesto „ili“ stavlja se zarez, a iza riječi: „vlasnik udjela“ dodaju se riječi: „ili zaposlenik“.

Član 2.

U članu 8. iza stava 1. dodaju se novi st. 2. i 3. koji glase:
„Maksimalni iznos naknada za obavljanje poslova iz nadležnosti nadzornog odbora, predsjedniku i članovima nadzornog odbora imenovanim ispred državnog kapitala određuje Vlada Federacije Bosne i Hercegovine iz sredstava Budžeta Federacije Bosne i Hercegovine u roku od 90 dana od dana stupanja na snagu ove Uredbe.
O ukupnom broju članova nadzornog odbora odlučuje Vlada Federacije Bosne i Hercegovine, na prijedlog nadležnog ministarstva u roku od 30 dana od dana donošenja odluke, osim u slučajevima kada je posebnim zakonom definisan broj članova nadzornog odbora.“

Član 3.

Iza člana 14. dodaje se novi član 14 a. koji glasi:

„Član 14a.

Privredna društva iz člana 1. dužna su uskladiti odredbe statuta u roku od 60 dana od dana stupanja na snagu ove Uredbe.

Privredna društva iz člana 2. stav 2. dužna su uskladiti odredbe statuta sa odlukom o broju članova nadzornog odbora u roku od 60 dana od dana donošenja odluke.

Federalni organ (Vlada Federacije Bosne i Hercegovine ili nadležno ministarstvo) će provesti postupak nominiranja kandidata za imenovanje svih članova nadzornog odbora u roku od 60 dana od dana stupanja na snagu izmjena statusa iz st. 1. i 2. ovog člana.“

Član 4.

Ova Uredba stupa na snagu narednog dana od dana objavljivanja u „Službenim novinama Federacije BiH“.